

Қазақстан Республикасының Үкіметі мен Люксембург Ұлы Герцогтігінің Үкіметі арасындағы Әуе қатынасы туралы келісімге қол қою туралы

Қазақстан Республикасы Үкіметінің 2015 жылғы 20 мамырдағы № 379 қаулысы

Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Қазақстан Республикасының Үкіметі мен Люксембург Ұлы Герцогтігінің Үкіметі арасындағы Әуе қатынасы туралы келісімнің жобасы макұлдансын.

2. Қазақстан Республикасының Инвестициялар және даму министрі Әсет Өрентайұлы Исекешевке Қазақстан Республикасының Үкіметі мен Люксембург Ұлы Герцогтігінің Үкіметі арасындағы Әуе қатынасы туралы келісімге қағидаттық сипаты жоқ өзгерістер мен толықтырулар енгізуге рұқсат бере отырып, Қазақстан Республикасының Үкіметі атынан қол қоюға өкілеттік берілсін.

3. Осы қаулы қол қойылған күнінен бастап қолданысқа енгізіледі.

Қазақстан

Республикасының

Премьер-Министри

К.Мәсімов

Қазақстан

Республикасы

Үкіметінің

2015 жылғы

20

мамырдағы

№ 379

қаулысымен

мақұлданған

Жоба

Қазақстан Республикасының Үкіметі мен Люксембург Ұлы Герцогтігінің Үкіметі арасындағы Әуе қатынасы туралы келісім

Қазақстан Республикасының Үкіметі мен Люксембург Ұлы Герцогтігінің Үкіметі (бұдан әрі - Уағдаласұшы Тараптар)

1944 жылғы 7 желтоқсанда Чикаго қаласында қол қою үшін ашылған Халықаралық азаматтық авиация туралы конвенцияның қатысуышылары бола отырып;

өз аумақтары арасында және олардан тысқары жерлерде әуе қатынастарын орнату мақсатында келісім жасасуға ниет білдіре отырып;

халықаралық авиация көлігінде жоғары қауіпсіздік деңгейін қамтамасыз етуге ниет білдіре отырып;

төмендегілер туралы келісті:

1-бап. Анықтамалар

Егер түпмәтіннен өзгеше туындамаса, осы Келісімнің мақсаттары үшін:

(а) «авиациялық биліктер» термині Қазақстан Республикасына қатысты - Инвестициялар және даму министрлігін және Люксембург Ұлы Герцогтігіне қатысты - азаматтық авиация саласына жауапты Министрді немесе екі жағдайда да - жоғарыда көрсетілген органдар орындағын функцияларды жүзеге асыруға уәкілетті кез келген органды немесе адамды білдіреді. Бір Уағдаласушы Тараптың уәкілетті органдының атауына өзгерістер енгізілген кезде екінші Уағдаласушы Тараптың атына дипломатиялық арналар арқылы жазбаша нысанда хабарлама жіберілетін болады;

(b) «уағдаластық желілер» термині жолаушыларды, жүкті және поштаны жеке немесе жиынтықтап тасымалдау үшін осы Келісімге Қосымшада көрсетілген маршруттарға сәйкес жоспарланған әуе тасымалдарын білдіреді;

(c) «Келісім» термині осы Келісімді, оның Қосымшасын және оған Қосымша өзгерістегі білдіреді;

(d) «Конвенция» термині 1944 жылғы 7 желтоқсанда Чикаго қаласында қол қою үшін ашылған Халықаралық азаматтық авиация туралы конвенцияны білдіреді және ол осы Конвенцияның 90-бабына сәйкес қабылданған кез келген Қосымшаны және оның 90 және 94-баптарына сәйкес Қосымшаларға немесе Конвенцияға кез келген түзетулдерді осындай Қосымшалар мен түзетулер екі Уағдаласушы Тарап қабылдаған және ратификациялаған дәрежеде қамтиды;

(e) «тағайындалған авиакәсіпорын» термині осы Келісімнің 3-бабына сәйкес тағайындалған және уәкілеттілік берілген авиакәсіпорынды білдіреді;

(f) «Мемлекет» термині Еуропалық Одакқа мүше мемлекетті білдіреді;

(g) «тариф» термині жолаушыларды, бағажды немесе жүкті тасымалдағаны үшін алынатын алымдарды және олардың агенттері мен осындай бағаларды қолдану шарттарын қоса алғанда, поштаны тасымалдағаны үшін сыйақыны және шарттарын қоспағанда, осындай алымдарды қолдану шарттарын білдіреді;

(h) «әуе қатынасы», «халықаралық әуе қатынасы», «авиакәсіпорын» және «коммерциялық емес мақсаттардағы аялдама» терминдерінің Конвенцияның 96-бабында көрсетілген мағыналары болады;

(i) «аумак» терминінің ол үшін Конвенцияның 2-бабында айқындалған мағынасы болады.

2-бап. Құқықтар беру

1. Әрбір Уағдаласушы Тарап екінші Уағдаласушы Тарап тағайындаған авиакәсіпорын халықаралық әуе қатынасын жүзеге асырған кезде екінші Уағдаласушы Тарапқа мұнадай:

(а) екінші Уағдаласуши Тараптың аумағынан қонбастан ұшып өту;
(б) екінші Уағдаласуши Тарап мемлекетінің аумағына коммерциялық емес
мақсаттарда

а я л д а м а

ж а с а у ;

(с) халықаралық бағыттағы жеке немесе жиынтықтап жолаушыларды отырғызу мен
түсіру, жүкті және поштаны тиесі мен түсіру мақсатында екінші Уағдаласуши Тарап
мемлекетінің аумағында Қосымшада осы маршрут үшін көрсетілген пункттерге қону
құқықтарын

б е р е д і .

2. Осы баптың 1-тармағында ешнәрсе де бір Уағдаласуши Тараптың тағайындалған
авиакәсіпорынға Екінші Уағдаласуши Тарап мемлекетінің аумағында осы екінші
Уағдаласуши Тарап мемлекетінің аумағындағы басқа пунктке тасымалдау үшін
сыйақыға немесе жалдау шартымен жолаушыларды, жүкті және поштаны бортқа алу
құқығын беру ретінде қаралмайды.

3-бап. Авиакәсіпорындарды тағайындау және пайдалануға рұқсат беру

1. Әрбір Уағдаласуши Тараптың екінші Уағдаласуши Тарапқа бұл туралы жазбаша
хабарлай отырып, шарттық желілерді белгіленген маршрут бойынша пайдалану үшін
бір немесе екі авиакәсіпорынды тағайындауға, осындай тағайындаулардың күшін
жоюға немесе оларды өзгертуге құқығы бар.

2. Осындай хабарлама алынғаннан кейін және осы Келісімнің 3 және 4 баптарының
ережелеріне сәйкес екінші Уағдаласуши Тараптың авиациялық билік орындары
пайдалануға арналған тиісті құжаттарды дереу авиакәсіпорынға немесе
авиакәсіпорындарға беруге тиіс.

3. Бір Уағдаласуши Тараптың авиациялық билік орындары ұшуды орындауға
рұқсат беруден бұрын екінші Уағдаласуши Тараптың тағайындалған авиакәсіпорнынан
оның халықаралық әуе қатынастарын жүзеге асырган кезде көрсетілген билік
орындары әдетте қолданатын зандар мен ережелердің талаптарына сай келетінінің
дәлелдемелерін талап ете алады.

4. Әрбір Уағдаласуши Тарап шарттық желілерді белгіленген маршруттар бойынша
пайдалану мақсатында осы Уағдаласуши Тараптың аумағында құрылған
авиакәсіпорынды тағайындауға тиіс.

Әрбір Уағдаласуши Тарап осы баптың 2-тармағында айтылған пайдалануға
арналған рұқсатты беруден бас тартуға немесе осы Келісімнің 2-бабында көрсетілген
құқықтарды тағайындалған авиакәсіпорынды пайдаланған кезде осы Уағдаласуши
Тарап екінші Уағдаласуши Тараптың тағайындалған авиакәсіпорны:

- Уағдаласуши Тараптың аумағында құрылғандығына; немесе

- қолданыстағы Пайдалануға арналған лицензия және тағайындауши Уағдаласуши
Тарап қолданатын заннамаға сәйкес пайдалануышының сертификаты бар екендігіне;
н е м е с е

- пайдаланушиның сертификатын беруге жауапты мемлекет өзінің тағайындалған авиакәсіпорнына тиімді бақылауды жүзеге асыратындығына және қолдайтындығына, ал тағайындау кезінде тиісті авиациялық орган дәл анықталғандығына дәлелдемелері болған кез келген жағдайда, қажет деп санайтын осындай талаптарды орындауды талап етүгे

құқылыш.

5. Осындай рұқсаттарды алғаннан кейін көрсетілген авиакәсіпорын осы Келісімнің қолданылатын ережелерін, атап айтқанда, осы Келісімнің 10-бабына сәйкес белгіленген тарифтерді сақтаған жағдайда, авиакәсіпорын шарттық желілерді толық немесе ішінара пайдалануды кез келген уақытта бастауға құқылыш.

4-бап. Пайдалануға арналған рұқсаттың күшін жою немесе қолданылуын тоқтата тұру

1. Эрбір Уағдаласуши Тараптың пайдалануға арналған рұқсаттың күшін жоюға немесе осы Келісімнің 2-бабында көзделген, екінші Уағдаласуши Тараптың тағайындалған авиакәсіпорнына берілген құқықтардың пайдаланылуын уақытша тоқтата тұруға немесе мынадай жағдайларда:

а) егер тағайындалған авиакәсіпорынның осы Келісімнің 3-бабының 4-тармағында көрсетілген талаптарды орындаپ жүргенінің деген дәлелдемесі болмаса кез келген жағдайда ;

б) егер авиакәсіпорын осы құқықтарды берген Уағдаласуши Тараптың қолданыстағы заңын сақтамаса ;

с) авиакәсіпорын өз қызметін Қазақстан Республикасы мен Еуропалық Одаққа мүше басқа мемлекет арасындағы екіжақты келісім шенберінде жүзеге асыруға әлдеқашан уәкілетті болса және Қазақстан Республикасы көрсетілген авиакәсіпорын Еуропалық Одаққа мүше екінші мемлекетте пунктті қамтитын маршрут бойынша осы Келісім шенберінде қозғалу құқықтарын жүзеге асырған кезде екіжақты келісіммен салынатын тасымалдауға арналған құқықтарды шектеуді айналып өтетінін дәлелдейтін болса ;

д) егер бір Уағдаласуши Тараптың тағайындалған авиакәсіпорнына тиімді бақылауды Қазақстан Республикасының онымен әуе қатынасы туралы екіжақты келісімі жоқ Мемлекет жүзеге асырса және осы Мемлекет екінші Уағдаласуши Тарап тағайындаған авиакәсіпорындарға тасымалдауға арналған құқықтарды беруден бастартса ;

е) егер осы авиакәсіпорын қандай да болмасын өзгеше түрде осы Келісімде көзделген талаптарды сақтамаса, осы құқықтарды пайдалану кезінде ол қажет деп санайтын осындай шарттардың орындалуын талап етуге құқығы бар.

2. Егер шұғыл шараларды қолдану зандар мен талаптарды одан әрі бұзудың алдын алу үшін қажет болып табылmasa, онда осы баптың 1-тармағында аталған құқықтар осы

Келісімнің 17-бабына сәйкес екінші Уағдаласуши Тараптың авиациялық билік органдарымен консультациялардан кейін ғана пайдаланылады.

5-бап. Заңдар мен қағидаларды қолдану

1. Бір Уағдаласуши Тараптың халықаралық әуе қатынасын жүзеге асыратын әуе кемелерінің өз мемлекетінің аумағына ұшып келуін/одан ұшып кетуін немесе осы әуе кемелерінің пайдаланылуын реттейтін заңдары мен талаптары екінші Уағдаласуши Тарап тағайындаған авиакәсіпорынның немесе авиакәсіпорындардың әуе кемелеріне олар көрсетілген аумаққа ұшып келу, одан ұшып кету және онда болу кезінде қолданылады.

2. Бір Уағдаласуши Тарап мемлекетінің өзінің аумағына жолаушылардың, экипаждардың, жүктің және поштаның келуін, оның шегінде болуын және одан жөнелтілуін реттейтін заңдары мен қағидалары және атап айтқанда, паспорттық, кедендік, валюталық және санитариялық бақылауға қатысты қағидалар екінші Уағдаласуши Тарап тағайындаған кез келген авиакәсіпорынның әуе кемелерінің жолаушыларына, экипаждарына, жүгіне және поштасына олардың көрсетілген аумақ шегінде болуы кезінде қолданылатын болады.

3. Уағдаласуши Тараптардың ешқайсысы өзінің авиакәсіпорнына немесе кез келген басқа авиакәсіпорынға осыған ұқсас халықаралық әуе қатынастарын жүзеге асыратын екінші Уағдаласуши Тараптың авиакәсіпорны алдында оның кедендік, көші-қон, карантиндік және өзге де талаптарын орындаған кезде басымдық көрсетпейді.

4. Бір Уағдаласуши Тараптың аумағы арқылы тікелей транзитпен өтетін және әуежайдың осы мақсатқа арналған аймағынан кетпейтін жолаушылар, багаж және жүк үшін оңайлатылған бақылау рәсімі қолданылады. Тікелей транзитпен өтетін багаж бен жүк кедендік баждардан, салықтардан және басқа да ұқсас алымдардан босатылатын болады.

6-бап. Куәліктер мен лицензияларды тану (Ұшу қауіпсіздігі)

1. Уағдаласуши Тараптардың бірі берген немесе жарамды деп таныған, қолданылу мерзімі өтпеген ұшуға жарамдылық куәліктерін, біліктілік куәліктерін және куәліктерді екінші Уағдаласуши Тарап осындай куәліктер немесе куәландырулар берілген немесе жарамды деп танылған талаптар Конвенцияға сәйкес белгіленген стандарттарға сәйкес келген жағдайда, Қосымшада айтылған маршруттар бойынша шарттық желілерді пайдалану кезінде жарамды деп танылатын болады. Дегенмен, әрбір Уағдаласуши Тарап оның азаматтарына екінші Уағдаласуши Тарап берген біліктілік куәліктері мен куәліктерін оның мемлекетінің аумағынан ұшып өту үшін жарамды деп танымау құқығын сақтайды.

2. Әрбір Уағдаласуши Тарап екінші Уағдаласуши Тарап әуежайларға, экипаждарға,

әуе кемелеріне және тағайындалған авиакәсіпорындардың қызметіне қатысты сақтайтын қауіпсіздік нормалары бойынша консультациялар сұратуға құқылы. Егер осындай консультациялар өткізілгеннен кейін бір Уағдаласушы Тарап осы салалардағы, ең болмағанда, Конвенцияда белгіленген ең төменгі стандарттарға сәйкес келуге тиіс қауіпсіздік нормалары мен талаптарын екінші Уағдаласушы Тарап тиімді орындаамайды немесе қамтамасыз етпейді деп санаса, екінші Уағдаласушы Тарап алынған деректер туралы және осы ең төменгі стандарттарға сәйкес келу қажеттілігі туралы хабардар етілуге және екінші Уағдаласушы Тарап тиісті түзету шараларын қабылдауға тиіс. Эрбір Уағдаласушы Тарап екінші Уағдаласушы Тарап тағайындаған авиакәсіпорынға немесе авиакәсіпорындарға пайдалануға арналған рұқсатты немесе техникалық рұқсатты беруден бас тартуға немесе, егер екінші Уағдаласушы Тарап түзету шараларын уақтылы қабылдамаса, оларды кері қайтарып алуға немесе олардың қолданысын шектеуге құқылы.

7-бап. Авиациялық қауіпсіздік

1. Уағдаласушы Тараптар халықаралық құқықтан туындаитын өздерінің құқықтары мен міндеттемелеріне сәйкес олар бір-біріне қатысты алған азаматтық авиация қауіпсіздігін заңсыз араласу актілерінен қорғау міндеттемесі осы Келісімнің ажырамас бөлігін құрайтындығын растайды. Халықаралық құқықтан туындаитын өздерінің құқықтары мен міндеттемелерін шектемей, Уағдаласушы Тараптар 1963 жылғы 14 қыркүйекте Токио қаласында қол қойылған Әуе кемелерінің бортында жасалатын қылмыстар және кейбір басқа актілер туралы конвенцияның, 1970 жылғы 16 желтоксанда Гаага қаласында қол қойылған Әуе кемелерін заңсыз басып алуға қарсы курес туралы конвенцияның және 1971 жылғы 23 қыркүйекте Монреаль қаласында қол қойылған Азаматтық авиация қауіпсіздігіне қарсы бағытталған заңсыз актілерге қарсы курес туралы конвенцияның ережелеріне сәйкес әрекет етеді.

2. Уағдаласушы Тараптар азаматтық әуе кемелерін заңсыз басып алушы және әуе кемелерінің, олардың жолаушылары мен экипаждарының, әуежайлардың және аэронавигациялық құралдар мен көрсетілетін қызметтердің қауіпсіздігіне қарсы бағытталған басқа да заңсыз актілерді, сондай-ақ азаматтық авиация қауіпсіздігінің кез келген басқа қатерін болдырmaу жөнінде өзара негізде сұрау салу бойынша барлық қажетті

көмекті

көрсетеді.

3. Уағдаласушы Тараптар Халықаралық азаматтық авиация ұйымы белгілеген және Конвенцияға Қосымшаларда айқындалған практика ұсынған авиациялық қауіпсіздік нормаларына сәйкес өздері қандай практиканы қолданса бір-біріне қатысты сондай дәрежеде әрекет етеді; олар негізгі қызмет орны немесе тұрақты келу орны олардың аумағындағы әуе кемелерін пайдаланушылардың және оның мемлекетінің аумағындағы халықаралық әуежайларды пайдаланушылардан авиациялық қауіпсіздік

жөніндегі осындай ережелерге және талаптарға сәйкес әрекет етуін талап етеді.

4. Эрбір Уағдаласуши Тарап екінші Уағдаласуши Тараптың оның әуе кемелерін пайдаланушылардан осы баптың 3-тармағында аталған осы екінші Уағдаласуши Тарап мемлекеті аумағының шегіне келу, одан кету және болу үшін осы екінші Уағдаласуши Тарап көздейтін авиациялық қауіпсіздік жөніндегі ережелерді сақтауын талап ете

алатындығымен

келіседі.

Эрбір Уағдаласуши Тарап әуе кемелерін қорғау және жолаушылар мен олардың қол жугін тексеру, сондай-ақ әкипаждарға, тауарларға және борттық қорларға отырызу немесе тиеу уақытынан бұрын және уақытында тиісінше бақылауды жүзеге асыру үшін өз мемлекетінің аумағы шегінде тиісті шаралардың қолданылуын қамтамасыз ететін болады. Эрбір Уағдаласуши Тарап, нақты қауіпке байланысты қауіпсіздіктің орынды арнайы шараларын қолдану туралы екінші Уағдаласуши Тараптың кез келген өтінішіне тілекестікпен

қарайды.

5. Азаматтық әуе кемелерін заңсыз басып алуға немесе әуе кемелерінің, олардың жолаушыларының және әкипаждың, әуежайлардың немесе аэронавигациялық құралдардың қауіпсіздігіне қарсы бағытталған басқа да заңсыз актілерге байланысты оқыс оқиға немесе оқыс оқиға қатері болған жағдайда, Уағдаласуши Тараптар осындай оқыс оқиғаның және оның қатерінің дереу және жылдам жолын кесу мақсатында байланысты қамтамасыз ету және тиісті шаралар қабылдау арқылы бір-біріне көмек көрсетеді.

6. Егер Уағдаласуши Тараптардың бірінің осы баптың авиациялық қауіпсіздік жөніндегі ережелерге байланысты проблемалары болса, Уағдаласуши Тараптың авиациялық билік орындары екінші Уағдаласуши Тараптың авиациялық билік орындарынан дереу консультациялар жүргізуі мүмкін.

8-бап. Баждардан және өзге де алымдардан босату

1. Уағдаласуши Тараптардың әрқайсысы екінші Уағдаласуши Тараптың тағайындалған авиакәсіпорындарын әуе кемелеріне, сондай-ақ қозғалтқышты, отынды, жанармай материалдары мен пайдаланылатын техникалық қорларды қоса алғанда, олардың қосалқы бөлшектеріне, әуе кемесінің бортындағы үстел заттарына (оның ішінде тағам өнімдері, сусындар, азық-түліктер) және әуе кемелерін пайдаланумен немесе қызмет көрсетумен байланысты пайдалануға арналған немесе айрықша пайдаланатын басқа да заттарға арналған кедендейк баждардан, инспекциялық алымдардан және басқа да осыған ұқсас алымдарды төлеуден босатылады.

2. Осы бапта ұсынылған босатулар (осы баптың 4-параграфында көзделген шығыстарды қоспағанда) осы баптың 1-тармағында көрсетілген мынадай:

(а) бір Уағдаласуши Тарап аумағына немесе екінші Уағдаласуши Тараптың тағайындалған авиакәсіпорны немесе авиакәсіпорындары атынан әкелінген;

(b) екінші Уағдаласуши Тарап аумағына келгеннен немесе одан шыққаннан кейін бір Уағдаласуши Тараптың тағайындалған авиакәсіпорнының немесе авиакәсіпорындарының әуе кемесінің бортында қалған;

(c) екінші Уағдаласуши Тарап аумағынан бір Уағдаласуши Тараптың тағайындалған авиакәсіпорнының немесе авиакәсіпорындарының әуе кемесі бортына алынған және шарттық желілерді пайдалануға беру кезінде қолдануға арналған материалдарға;

мұндай материалдар осы Уағдаласуши Тараптың аумағында иеліктен шығарылмайтын жағдайда, осы материалдардың баждан босатуды ұсынатын Уағдаласуши Тарап аумағында толық пайдаланылғанына немесе қолданылғанына қарамастан қолданылатын болады.

Жоғарыда айтылған материалдар босатуды ұсынған Уағдаласуши Тарап аумағына әкелінген жағдайда, кедендік бақылауда болуы мүмкін.

3. Бір Уағдаласуши Тарап мемлекетінің тағайындалған авиакәсіпорындары шарттық желілерде пайдаланатын әуе кемесінің бортындағы борт жабдығы, отын қоры мен жанармай материалдары, сондай-ақ қосалқы бөлшектер осы Уағдаласуши Тараптың кеден органдарының келісімімен ғана екінші Уағдаласуши Тарап Мемлекетінің аумағына түсірілуі мүмкін. Бұл жағдайда олар кері әкетілген немесе осы Уағдаласуши Тарап мемлекетінің кедендік қағидаларына сәйкес мақсаты ауыстырылған кезге дейін аталған органдардың кедендік бақылаудың болады.

4. Көрсетілген қызмет, кедендік декларациялау және сақтау үшін алымдар осы Келісімнің 15-бабында айқындалған осындай қызметтерді көрсету шенберіндегі нақты шығындарға негізделген мөлшерде Уағдаласуши Тараптар мемлекеттерінің заңнамасына сәйкес алынады.

9-бап. Тасымалдау сыйымдылығын реттеу

1. Уағдаласуши Тараптардың тағайындалған авиакәсіпорны (авиакәсіпорындары) осы Келісімде көзделген шарттық желілерді пайдаланған кезде әділ және тең мүмкіндіктерді қолданады.

2. Осы Келісімнің Қосымшасында белгіленген шарттық желілерде пайдалануға арналған тасу ыдыстарына, әуе кемелерінің жиіліктері мен типтеріне қатысты барлық коммерциялық мәселелер екі Уағдаласуши Тараптың да авиациялық билік орындары арасында келісілуге тиіс.

10-бап. Тарифтер

1. Екі Уағдаласуши Тарап аумақтары арасында қолданылатын тарифтер тасымалдау құнын, пайдаланушылар мүдделерін, орынды пайданы, қызмет көрсету сыйыбын және қажет болған жағдайда бүкіл маршрутты немесе оның бір бөлігін

пайдаланатын басқа да авиакомпаниялардың тарифтерін қоса алғанда, барлық тиісті факторлар ескеріле отырып, орынды деңгейде белгіленуге тиіс.

2. Әрбір Уағдаласуши Тараптың тағайындалған авиакәсіпорны өз тарифтерін дөрбес б е л г і л е у г е т и і с .

3. Егер Уағдаласуши Тараптардың бірінің немесе кез келгенінің авиациялық билік орындары тарифтерді реттеуге араласуды ұсынса, онда мұндай араласудың басты мақсаттары :

- а) тонаушылық немесе кемсітушілік бағаларды немесе практикаларды болдырмау;
- б) тұтынушыларды шамадан тыс жоғары немесе үстем жағдайды асыра пайдалану салдарын шектейтін бағалардан қорғау; және
- с) авиакәсіпорындарды тікелей немесе жанама үкіметтік субсидиялардың салдарынан жасанды өсірілген бағалардан қорғау;
- д) бәсекелестікті айқын жою мақсатында авиакәсіпорындарды төмендетілген бағалардан қорғау болуға тиіс .

4. Осы баптың 1-тармағында аталған тарифтер тіркеу үшін оларды қолдану басталатын жоспарланған күнге дейін алпыс (60) күннен кешіктірмей Уағдаласуши Тараптың екеуінің авиациялық билік орындарына жолдануға тиіс.

Егер Уағдаласуши Тараптардың бірі қандай да бір тариф осы баптың (1) тармағының ережелеріне сәйкес келмейді деп пайымдайтын болса, онда ол консультациялардың берілуіне сұрау салуға және екінші Уағдаласуши Тарапты қысқа мерзімде өзінің қанағаттанбауының себептері туралы хабардар етуге тиіс. Мұндай консультациялар сұрау салуды алғаннан кейін 30 күннен кешіктірілмей өткізуі тиіс және Тараптар орынды шешімнің шығарылуына қажетті ақпаратты қамтамасыз етуде ынтымақтастық жасауға тиіс. Егер Уағдаласуши Тараптар бұрын қанағаттанбауы туралы хабарлама берілген тарифке қатысты келісімге қол жеткізетін болса, онда Уағдаласуши Тараптар қол жеткізілген уағдаластықты орындау үшін барлық ықтимал күш-жігерді қолданады.

11-бап. Авиакәсіпорындардың өкілдіктері

1. Бір Уағдаласуши Тараптың тағайындалған авиакәсіпорны өзара түсіністік негізінде екінші Уағдаласуши Тараптың мемлекеті аумағына шарттық желілерді пайдалануға қажетті өз өкілдіктері мен коммерциялық, операциялық және техникалық персоналын жіберуге және онда ұстауға құқылы.

2. Персоналға қойылатын бұл талаптар бір Уағдаласуши Тараптың тағайындалған авиакәсіпорнының (авиакәсіпорындарының) тандауы бойынша өзінің жеке персоналы есебінен немесе екінші Уағдаласуши Тарап мемлекетінің аумағында жұмыс істейтін және осы Уағдаласуши Тарап мемлекетінің аумағында осындағы қызметтерді көрсетуге рұқсаты бар кез келген басқа ұйымды, компанияны немесе авиакәсіпорынды пайдалана

3. Өкілдік пен персонал екінші Уағдаласушы Тараптың қолданыстағы зандары мен қағидаларын сақтауға тиіс және зандар мен қағидаларға сәйкес әрбір Уағдаласушы Тарап өзара түсіністік негізінде және қысқа мерзімде осы баптың 1-тармағында аталған өкілдіктер мен персоналға жұмысқа қажетті рұқсаттарды, қонақ болу визалары мен өзге де соған ұқсас құжаттарды алуға жәрдем көрсететін болады.

12-бап. Коммерциялық қызмет және кірістерді аудару

1. Әрбір Уағдаласушы Тараптың тағайындалған авиакәсіпорны Уағдаласушы Тараптың аумағындағы өзінің офистерінде өзінің тасымал құжаттарымен авиатасымалдары жүзеге асыруға және екінші Уағдаласушы Тараптың ұлттық зандары мен қағидаларына сәйкес ресми уәкілдіктерін тағайындауға құқылы.

2. Әрбір Уағдаласушы Тарап екінші Уағдаласушы Тараптың авиакәсіпорнына жергілікті кірістердің осы кәсіпорын шарттық желілерді пайдаланудан өз мемлекетінің аумағында алған жергілікті шығыстардан асып түскен соманы еркін аудару құқығын береді. Егер соған ұқсас аударымдар рәсімі Уағдаласушы Тараптар арасындағы арнайы келісіммен реттелетін жағдайда, осы келісімдердің ережелері қолданылуға тиіс. Осындай келісімдер не онда тиісті ережелер болмаған жағдайда аударым Уағдаласушы Тараптың шетелдік айырбастау реттеуіне сәйкес ресми айырбастау бағамы бойынша қатты айырбасталатын валютада жүргізілуге тиіс.

13-бап. Бірлескен уағдаластықтар

Шарттың желілерді пайдалануға арналған қажетті рұқсаттары бар әрбір Уағдаласушы Тараптың тағайындалған авиакәсіпорындары белгіленген маршруттар немесе код-шеринг, блок-орындар бойынша келісім, бірлескен кәсіпорын сияқты әртүрлі бірлескен уағдаластықтардың негізінде осы маршруттардың кез келген участкесі бойынша шарттық желілерді және екінші Уағдаласушы Тараптың авиакәсіпорнымен немесе авиакәсіпорындарымен осындай авиакәсіпорындарда маршруттарды немесе участкелерді пайдалануға арналған тиісті рұқсаты болған жағдайда ынтымақтастықтың өзге де бағыттарын пайдалану және/немесе ұсыну құқығын алады.

14-бап. Интегралды жүк тасымалдары

Осы Келісімнің кез келген басқа ережелеріне қарамастан, Уағдаласушы Тараптардың екеуінің де авиакәсіпорындары мен жүк авиатасымалдары бойынша қызметтерді жанама жеткізушилерге кедендік пункттері бар барлық әуежайларға және әуежайлардан тасымалдауды қоса алғанда және қажет болған кезде, кедендік тазартудан өтпеген авиациялық жүктерді тасымалдау құқығын қоса алғанда,

қолданыстағы заңдарға және қағидаларға сәйкес Уағдаласуышы Тараптардың немесе үшінші елдердің аумағындағы пункттерге немесе пункттерден авиациялық жүктөр үшін жерусті көлігін пайдалануға рұқсат беріледі. Жерусті немесе әуе жолдарымен тасымалданатын мұндай авиациялық жүктөрдің әуежай кеденіне және жүктөрді өндөу пунктіне рұқсаты болуға тиіс. Авиакәсіпорындар өзінің қалауы бойынша меншікті жерусті тасымалдарын жүзеге асыра алады немесе оларды басқа авиакәсіпорынның немесе жүк авиатасымалдары бойынша қызметтерді жанама жеткізушилердің жерусті көлігін қоса алғанда, басқа да жерусті тасымалдаушыларымен уағдаластық арқылы қамтамасыз ете алады. Интермодальды жүк тасымалдары бойынша мұндай көрсетілетін қызметтер жүк жөнелтушілер осында тасымалдау фактілері туралы тиісті түрде хабардар етілген жағдайда әуе және жерусті көлігімен құрамдастырылған тасымалға арналған бірыңғай тариф негізінде ұсынылуы мүмкін.

15-бап. Алымдар

1. Жабдығын, техникалық және өзге де құралдары мен көрсетілетін қызметтерді қоса алғанда, әрбір әуежайдың көрсететін қызметтерін пайдаланғаны үшін алымдар мен өзге де шығыстар, сондай-ақ аэронавигациялық құралдарды, байланыс құралдары мен қызметтерін пайдаланғаны үшін кез келген шығыстар әрбір Уағдаласуышы Тарап белгілейтін мөлшерлемелер мен тарифтерге сәйкес алынады.

2. Бір Уағдаласуышы Тараптың тағайындалған авиакәсіпорны (авиакәсіпорындары) екінші Уағдаласуышы Тараптың тағайындалған авиакәсіпорны және/немесе соған ұқсас халықаралық әуе қатынастарын жүзеге асыратын кез келген басқа шетелдік авиакәсіпорынның (авиакәсіпорындардың) екінші Уағдаласуышы Тараптың жабдығы мен көрсетілетін қызметтерін пайдаланғаны үшін төлейтініне қарағанда неғұрлым жоғары алымдар төлеуге тиіс емес.

16-бап. Статистикалық деректер

Бір Уағдаласуышы Тараптың авиациялық билік орындары екінші Уағдаласуышы Тараптың авиациялық билік орындарының сұрау салуы бойынша статистикалық деректерді немесе соған ұқсас басқа да ақпаратты шарттың желілерде берілетін тасу ыдыстарының көлемін қарау мақсатында орынды шекте беретін болады.

17-бап. Консультациялар

1. Тығыз ынтымақтастық рухында Уағдаласуышы Тараптардың авиациялық билік орындары осы Келісімнің және оған Қосымшаның ережелерін орындауды қамтамасыз ету, тиісті түрде сақтау мақсатында тұракты консультациялар жүргізеді, сондай-ақ қажет болған кезде өзгерістер енгізу мақсатында консультациялар жүргізетін болады.

2. Кез келген Уағдаласуши Тарап келіссөздер немесе хат алмасу арқылы консультациялар жүргізуді сұратуға құқылы және олар, егер Уағдаласуши Тараптар осы мерзімді ұзарту туралы уағдаласпаса, оларды жүргізу туралы сұрау салу алынған күннен бастап алпыс (60) күн ішінде басталуға тиіс.

18-бап. Дауларды шешу

1. Осы Келісімді түсіндіру бойынша Уағдаласуши Тараптар арасында дау туындаған жағдайда, авиациялық билік орындары оны келіссөздер арқылы шешуге ү м т ы л а т ы н б о л а д ы .

2. Егер Уағдаласуши Тараптардың екеуі де келіссөздер арқылы келісімге келмесе, олар дауды үшінші тұлғаның немесе үшінші үйымның қарауына немесе Уағдаласуши Тараптардың бірі немесе Уағдаласуши Тараптардың бірінің өтініші бойынша үш төрешіден тұратын соттың қарауына бере алады. Әрбір Уағдаласуши Тарап бір-бір төрешіден тағайындейды, ал үшіншісін осы екі төреші таңдайтын болады. Әрбір Уағдаласуши Тарап бір Уағдаласуши Тарап екінші Тараптан дипломатиялық арналар арқылы дауды төрелік шешу талабы бар хабарламаны алған күннен бастап алпыс (60) күн ішінде төрешіні тағайындейды. Үшінші төреші келесі алпыс (60) күн ішінде тағайындалатын болады. Егер Уағдаласуши Тараптардың бірі жоғарыда көрсетілген мерзімде төрешіні тағайындалмаса немесе үшінші төреші жоғарыда көрсетілген мерзімде тағайындалмаса, Уағдаласуши Тараптардың бірі Халықаралық азаматтық авиация үйымының Президентіне төрешіні немесе төрешілерді тағайындау туралы өтінішпен жүгін е а л а д ы .

Кез келген жағдайда үшінші төреші үшінші мемлекеттің азаматы болуға және төрелік сот төрағасының міндеттерін атқаруға тиіс.

3. Уағдаласуши Тараптар осы баптың 2-тармағының ережелеріне сәйкес қабылданған кез келген шешімге бағынады.

19-бап. Өзгерістер енгізу

1. Егер Уағдаласуши Тараптардың бірі осы Келісімге өзгерістер енгізуді қаласа, ол екінші Уағдаласуши Тараппен консультациялар жүргізуді сұратуға құқылы. Авиациялық биліктер арасында келіссөздер немесе хат жазысулар арқылы жүргізілуі мүмкін мұндай консультациялар, егер тек Уағдаласуши екі Тарапта осы кезеңді ұзарту туралы уағдаласпаса, оларды жүргізу туралы сұрау салу алынған күннен бастап алпыс (60) күн ішінде басталуға тиіс. Келісімге енгізілетін кез келген келісілген өзгерістер мен толықтырулар осы Келісімнің, 23-бабында көзделген тәртіппен күшіне енеді, олар оның ажырамас бөліктері болып табылатын жеке Хаттамалармен ресімделетін болады.

20-бап. Көпжақты келісім

Осы Келісім және оған Қосымша екі Уағдаласуши Тарап қатысушылары болатын кез келген көпжақты келісімге сәйкес келу мақсатында толықтырылатын болады.

21-бап. Келісімнің қолданысын тоқтату

Әрбір Уағдаласуши Тарап кез келген уақытта дипломатиялық арналар арқылы екінші Уағдаласуши Тарапқа осы Келісімнің қолданысын тоқтату туралы хабарлай алады; мұндай хабарлама бір уақытта Халықаралық азаматтық авиация үйімінде жіберіледі. Келісім, екінші Уағдаласуши Тараптың хабарламаны алған, күннен бастап он екі (12) айдан кейін, егер Келісімнің қолданысын тоқтату туралы хабарлама осы кезең аяқталғанға дейін өзара келісіммен кері қайтарып алынбаса, өзінің қолданысын тоқтатады. Екінші Уағдаласуши Тараптың тарапынан хабарламаны алғаны туралы растау болмаған жағдайда, ол хабарламаны оны Халықаралық азаматтық авиация үйімі алған күннен бастап он төрт (14) күннен кейін алды деп есептелетін болады.

22-бап. Тіркеу

Осы Келісім, сондай-ақ кейінгі өзгерістер мен түзетулер Халықаралық азаматтық авиация үйімінде тіркелуге тиіс.

23-бап. Құшіне енуі

Осы Келісім әрбір Уағдаласуши Тараптың конституциялық талаптарына сәйкес келісілуі және әрбір Уағдаласуши Тараптың осы Келісімнің құшіне енуі үшін қажетті барлық мемлекетшілік ресімдерді аяқтағаны туралы дипломатиялық арналар арқылы соңғы жазбаша хабарлама алынған күннен бастап құшіне енуге тиіс.

Осы мақсат үшін тиісті түрде уәкілеттік берілген екі үкіметтің өкілдері осыны куәландырып осы Келісімге қол қойды.

----- қаласында қазақ, француз,
ағылшын, орыс тілдерінде
екі данада ЖАСАЛДЫ.
Күні

Алшақтықтар болған жағдайда ағылшын тіліндегі мәтін басымдыққа ие болады.

**ҚАЗАҚСТАН РЕСПУБЛИКАСЫНЫҢ
ҮКІМЕТІ ҰШІН
ҮКІМЕТИ ҰШІН**

ҚОСЫМША

**ЛЮКСЕМБУРГ ҰЛЫ
ГЕРЦОГТІГІНІҢ**

МАРШРУТТАР КЕСТЕСІ

Люксембургтің тағайындалған авиакәсіпорны немесе авиакәсіпорындары
пайдаланатын маршруттар:

Люксембург - Аралық пункттер - Қазақстандағы пункттер - Тысқары пункттер

Қазақстанның тағайындалған авиакәсіпорны немесе авиакәсіпорындары
пайдаланатын маршруттар:

Қазақстандағы пункттер - Аралық пункттер - Люксембург - Тысқары пункттер

1. Кез келген аралық пункттерге және/немесе тысқары пункттерге Уағдаласуышы Тараптың екеуінің де тағайындалған авиакәсіпорны немесе авиакәсіпорындары бесінші әуе еркіндігі дәрежесі құқығын пайдаланбай қызмет көрсетуі мүмкін.

2. Бесінші әуе еркіндігі дәрежесі құқығын пайдалану Уағдаласуышы Тараптардың авиациялық билік орындары арасындағы жекелеген уағдаластықтардың мәні болып табылады.

3. Уағдаласуышы Тараптардың тағайындалған авиакәсіпорындары кез келген немесе барлық ұшуларды орындаған кезде жоғарыда көрсетілген маршруттардың кез келген пункттерінде тоқтамай өтуі, сондай-ақ осы маршруттардағы шарттық желілер авиакәсіпорынды немесе авиакәсіпорындарды тағайындейтын Уағдаласуышы Тараптың аумағында басталатын жағдайда пункттерге кез келген тәртіппен қызмет көрсетуі мүмкін.

Р Қ А О - н ы ң е скертпесі !

Бұдан әрі тақырып ағылшын тілінде.